




Bae Trearddur

Llwybr sy'n cysylltu Caergybi a Bae Trearddur.

Palmant yn bennaf gydag ambell gamfa a gât. Rhywfaint o gerdded ar is-ffyrd, ac ambell ardal garegog ar hyd llwybr yr arfordir.



Wedi mwynhau'r daith gerdded hon? Mae 145 o deithiau Llwybrau i Lesiant i'w harchwilio ledled Cymru!



S Gan ddechrau o'r tŵr cloc gwyn y tu allan i'r orsaf drenau, ewch i fyny'r ramp ac ar y brig ewch i'r Dd ac i'r Dd eto. Croeswch y ffordd wrth y goleuadau ac yna ewch i'r Ch ar hyd Church Terrace/Kingsland Rd. Ychydig yn eich blaen ewch i'r Dd ar Kings Rd. Ar ddiwedd y ffordd ewch i'r Ch a dilynwch hon gan fynd heibio'r fynwent i ymuno â llwybr troed yn syth ymlaen. Ar ddiwedd y llwybr ger y tai, ewch yn syth ymlaen i lwybr arall rhwng tai. Ar ddiwedd hwn ewch i'r Ch ac yna yn syth i'r Dd gan groesi'r ffordd gan gymryd y llwybr heibio tai 11 a 12. Ewch dros gamfa garreg ac ewch i'r Ch i ddringo camfa arall i gyrraedd ffordd.

1 Ewch ar draws y ffordd i mewn i Gae Rhos ac ar ôl y tro 1af i'r Dd cymerwch y llwybr troed ar eich ochr dde ar ddiwedd y clawdd. Dilynwch y llwybr hwn drwy giât mochyn ac yna cadwch wrych eich Ch wrth i chi gerdded ar draws caeau. Yn y pen draw, mae'r llwybr yn croesi camfa garreg i lwybr â gwrychoedd sy'n cyrraedd ffordd. Ewch i'r Ch yma ac yna cymerwch y llwybr troed ar eich Dd ar hyd trac. Byddwch yn mynd heibio rhai tai ar eich LLCh, ac yn union ar ôl cymryd y llwybr troed ar eich Ch i aadel y trac drwy giât mochyn. Dilynwch y llwybr hwn dros gamfa garreg gan gadw'r wal ar eich Chwith i gyrraedd giât mochyn arall. Dilynwch y llwybr hwn o gwmpas i ymuno â lôn sy'n mynd heibio i dai a chwrs golff i gyrraedd ffordd.

2 Ewch i'r Ch yma, a phan fo'n ddiogel i chi wneud hynny, croeswch y ffordd i fwynhau'r golyfeydd ym Mhorth-y-post, ac ewch i'r Dd i ymuno â Llwybr Arfordir Cymru. Dilynwch y llwybr o amgylch y pentir hwn sydd wedyn yn ailymuno â'r ffordd, parhewch i'r Dd i gymryd pentir arall a mwy o gerdded ar y ffordd gan ddilyn arwyddion llwybr Arfordir Cymru i gyrraedd Bae Trearddur a gorsaf y bad achub yn y pen draw. Dilynwch y ffordd (Lôn Isallt) y tu ôl i orsaf y bad achub, trowch i'r Ch ar y diwedd ac yna cymerwch y tro nesaf i'r Dd i Lôn Towyn Capel. Dilynwch y ffordd hon am ychydig gan fod yn siŵr eich bod yn gwyo i'r Ch wrth y fforch i Lôn Trefignath.


3 Ewch ar hyd y ffordd hon am ychydig a cyn y gylchfan cymerwch y llwybr i'r Dd. Dilynwch y llwybr amlddefnydd hwn i gyrraedd Siambwr Gladdu Trefignath. Cymerwch amser i archwilio'r gofeb a godwyd yn yr Oes Neolithig. Wedi crwydro yma parhewch ar hyd y llwybr i gwrdd â ffordd fechan. Ewch i'r Ch at y gylchfan ac ewch i'r Dd i fyny'r ffordd ar y palmant ar ochr y ffordd. Rydych chi nawr yn mynd yn ôl i Gaergybi. Wrth y gylchfan nesaf ewch i'r Ch ac ar yr un nesaf ewch i'r Dd i ail-ymuno â Kingsland Rd. Dilynwch hwn i gwrdd â chylchfan arall ac ewch i'r Ch i olrhain eich camau yn ôl i'r dechrau.



Trearddur Bay

A route linking Holyhead and Trearddur Bay.

Mostly paved with a few stiles and gates. Some walking along minor roads, and a few rocky areas along the coast path.



Enjoy this ramble? There are 145 Paths to Wellbeing routes to explore across Wales!